

3. U svom radu po podnesenim zahtjevima, Komisija ima pravo vršiti provjeru podnesene dokumentacije, tražiti dopunu iste, te u posebnim slučajevima izvršiti neposredan uvidaj u stvarima iz zahtjeva.

Član 10.
(Odobranje sredstava)

1. Na osnovu prijedloga Komisije, o dodjeli sredstava po podnesenim zahtjevima u pojedinačnim iznosima koji ne prelaze iznos od 2500,00 KM odlučuje Ministar, koji istovremeno utvrđuje dinamiku isplate.
2. Na obrazloženi prijedlog Ministra, zaključak o odobravanju dodjele sredstava u iznosu većem od 2500,00 KM donosi Vlada Kantona.

Član 11.
(Izdavanje rješenja)

1. Na osnovu dostavljene obavijesti Ministarstva, općinska služba donosi rješenje o odobravanju pomoći, odbacivanju ili odbijanju zahtjeva.
2. O žalbi na rješenja općinske službe iz stava (1) ovog člana, rješava Ministarstvo.

POGLAVLJE III. ZAVRŠNE ODREDBE

Član 12.
(Sredstva za ostvarivanje prava)

Sredstva za ostvarivanje prava po ovoj Uredbi, osiguravaju se u Budžetu Kantona.

Član 13.
(Dostava i pravdanje sredstava)

1. Na osnovu odluke Ministra i doznačenih sredstava za realizaciju istih, općinska služba obavještava lica kojima su odobrena sredstva i istim vrši isplatu putem blagajne ili tekućih računa.
2. Općinska služba je dužna u roku od 15 dana po realizaciji pomoći dostaviti Ministarstvu pravdanje utrošenih sredstava.

Član 14.
(Evidencija i obrasci)

1. Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo.
2. Obrazac za podnošenje zahtjeva iz člana 7. Uredbe

i obrasce za elektronsku evidenciju iz stava (1) ovog člana, propisuje Ministar u roku od osam dana od dana stupanja na snagu ove Uredbe.

Član 15.
(Stupanje na snagu Uredbe)

Uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:02-35-26092/07

PREMIJER

Datum, 02.11.2007. godine

Zenica

Miralem Galijašević, s.r

320.

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 27. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj 6/06 i 9/07), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

UREDBU
O RJEŠAVANJU STAMBENOG PITANJA
BRANILACA I ČLANOVA NJIHOVIH
PORODICA

POGLAVLJE I. OPĆE ODREDBE

Član 1.
(Predmet Uredbe)

Ovom Uredbom utvrđuju se uvjeti, način i postupak ostvarivanja prava na rješavanje stambenog pitanja branilaca i članova njihovih porodica koji imaju prebivalište na području Zeničko-dobojskog kantona (u daljem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Član 2.
(Način rješavanja stambenog pitanja)

Rješavanje stambenog pitanja branilaca i članova njihovih porodica vrši se putem:

- a) prijenosa prava vlasništva na stanovima dodijeljenim na korištenje od strane Vlade Kantona;
- b) odobravanjem sredstava općinama u svrhu kupovine i izgradnje stambenih jedinica;
- c) dodjelom jednokratnih bespovratnih novčanih

sredstava u svrhu:

1. izgradnje stambenog objekta s ciljem trajnog stambenog rješavanja;
2. kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini;
3. sanacije i adaptacije stambenog objekta;
4. prilagođavanja stambenog objekta posebnim potrebama ratnih vojnih invalida.

Član 3. (Definicije)

Pojmovi i definicije iz ove Uredbe: branilac, učesnik rata, ratni vojni invalid, član porodice šehida, poginulog, umrlog, nestalog branioca i umrlog ratnog vojnog invalida, dobitnik ratnog priznanja ili odlikovanja i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05 i 70/07), Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05 i 61/06, u daljem tekstu: Zakon) i Zakona o pravima demobiliziranih branilaca i članova njihovih porodica ("Službene novine Federacije Bosne i Hercegovine" broj 61/06).

Član 4. (Posebni uvjeti)

1. Novčana sredstava za trajno stambeno zbrinjavanje po ovoj Uredbi, branioci i članovi njihovih porodica ostvaruju pod uvjetom da:
 - a) imaju prebivalište ili boravište na području Kantona u trajanju od najmanje 24 mjeseca, osim povratnika u Republiku Srpsku;
 - b) ostvaruju prava iz oblasti branilačko-invalidske zaštite u općinama Kantona;
 - c) nemaju riješeno stambeno pitanje na području Bosne i Hercegovine;
 - d) posjeduju valjanu dokumentaciju za izgradnju ili kupovinu stambenog objekta;
 - e) nisu bili korisnici nepovratnih sredstava Federalnog, Kantonalnog ili općinskog budžeta, donatorskih sredstava i ostalih sredstava dodjeljenih u svrhu stambenog zbrinjavanja u iznosu većem od 3000,00 KM;
 - f) nisu izvršili zamjenu, prodaju ili poklon stambenog objekta u ličnom ili vlasništvu članova zajedničkog domaćinstva;
 - g) oni i članovi njihovog porodičnog domaćinstva nisu samostalni djelatnici;
 - h) da ukupna primanja domaćinstva demobiliziranog

branioca i RVI sa stepenom invalidnosti 20% do 60% ne prelazi iznos prosječne neto plaće isplaćene u Federaciji Bosne i Hercegovine u prethodnoj kalendarskoj godini, prema podacima Zavoda za statistiku Federacije Bosne i Hercegovine.

2. U smislu ove Uredbe smatra se da je stambeno zbrinuto lice koje u ličnom vlasništvu, vlasništvu bračnog druga ili bilo kojeg člana porodičnog domaćinstva, posjeduje stambeni objekat sa minimalnim uvjetima stanovanja.

3. Pod minimalnim uvjetima stanovanja u smislu stava (2) ovo člana smatra se opremljen prostor namijenjen za stanovanje (soba, kuhinja, kupaonica, hodnik) u kome boravi porodica odnosno domaćinstvo.

Član 5. (Prioritetno rješavanje stambenih pitanja)

1. Rješavanje stambenog pitanja branilaca i članova njihovih porodica vrši se po pravu prvenstva kako slijedi:
 - a) dobitnici ratnih priznanja ili odlikovanja iz člana 5. stav 3. Zakona;
 - b) djeca šehida, poginulih, umrlih, nestalih branilaca bez oba roditelja i ratni vojni invalidi sa oštećenjem organizma od 100% I grupe;
 - c) porodice sa dva i više šehida, poginulih, umrlih, nestalih branilaca i ratni vojni invalidi sa oštećenjem organizma od 100% II grupe;
 - d) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stav 3. Zakona;
 - e) porodice šehida, poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70%;
 - f) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stavovi 4. i 5. Zakona; umrlih RVI i umrlih demobiliziranih branilaca;
 - g) ostali dobitnici ratnih priznanja ili odlikovanja;
 - h) ostali ratni vojni invalidi i demobilizirani branioci.
2. Prioritet iz prethodnog stava osigurava se donošenjem projekta stambenog zbrinjavanja naznačenih kategorija pripadnika branilačke populacije, koji za svaku budžetsku godinu, na prijedlog Ministarstva za boračka pitanja Zeničko-dobojskog kantona (u daljem tekstu: Ministarstvo) donosi Vlada Kantona.

Član 6. (Dokazivanje statusa)

U postupku ostvarivanja prava po ovoj Uredbi, branioci

i članovi njihovih porodica svoj status dokazuju rješenjem nadležnog organa o priznavanju svojstva ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja, te uvjerenjem nadležnog organa o periodu učešća u Oružanim snagama, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Član 7.

(Visina sredstava novčane pomoći)

1. Za potrebe novčane pomoći braniocima i članovima njihovih porodica u svrhu rješavanja stambenog pitanja, po pojedinačnim zahtjevima, mogu se odobriti sredstva u maksimalnom iznosu do 30.000,00 KM.
2. Izuzetno od odredbe stava 1. ovog člana, Vlada Kantona na obrazloženi prijedlog Ministarstva može odobriti sredstva u većem iznosu za potrebe stambenog zbrinjavanja RVI 100% I grupe.

POGLAVLJE II. POSTUPAK DODJELE NOVČANIH SREDSTAVA

Član 8.

(Podnošenje zahtjeva)

1. Pravo na pomoć po ovoj Uredbi može se ostvariti podnošenjem zahtjeva općinskoj službi nadležnoj za poslove branilačko-invalidske zaštite prema prebivalištu odnosno boravištu podnosioca zahtjeva (u daljem tekstu: općinska služba).
2. Općinska služba objavljivanjem oglasa obavještava braniocima i članove njihovih porodica o mogućnosti podnošenja zahtjeva za dodjelu sredstava na ime trajnog stambenog zbrinjavanja, uz naznaku roka za podnošenje zahtjeva, koji ne može biti kraći od 15 dana.

Član 9.

(Obavezna dokumentacija)

Zahtjev za pomoć u svrhu stambenog zbrinjavanja podnosi se na posebnom obrascu, a uz isti zainteresovano lice obavezno prilaže dokaz o statusu branioca i člana njegove porodice i fotokopiju lične karte.

Član 10.

(Potrebna dokumentacija)

Uz zahtjev za dodjelu sredstava za stambeno zbrinjavanje zainteresovani kandidati prilažu sljedeću dokumentaciju:

- a) rješenje o starateljstvu nad malodobnom djecom bez oba roditelja;
- b) dokaz o provedenoj ostavinskoj raspravi na pokretnoj i nepokretnoj imovini za porodice šehida/poginulih branilaca;
- c) uvjerenje o kretanju izdato od MUP-a;
- d) kompletnu dokumentaciju o stambenoj situaciji (građevinska dozvola, ZK-izvadak na imovinu kao dokaz o vlasništvu podnosioca zahtjeva, ugovor o kupovini stambenog objekta uz priložen z.k. izvadak prodavca ili dokaz da je podnesen zahtjev za uknjižbu od strane kupca);
- e) uvjerenje o prihodima zaposlenih, odnosno uvjerenje o nezaposlenosti punoljetnih članova domaćinstva;
- f) posjedovni list i uvjerenje o promjenama u katastru od 1992. godine iz svih općina prebivališta (za lica koja su mijenjala prebivališta);
- g) uvjerenje nadležnog općinskog organa da nisu bili korisnici nepovratnih sredstava Federalnog, Kantonalnog ili općinskog budžeta dodjeljenih u svrhu stambenog zbrinjavanja u iznosu većem od 3000,00 KM;
- h) izjava da nisu izvršili zamjenu, prodaju ili poklon stambenog objekta u ličnom ili vlasništvu bračnog druga;
- i) ovjerena izjava o zajedničkom domaćinstvu (kućna lista);
- j) uvjerenje Porezne uprave i
- k) druge dokaze iz kojih se vidi opravdanost zahtjeva.

Član 11.

(Postupak po zahtjevu)

1. (Općinska služba formira stručnu komisiju (u daljem tekstu: Komisija), od tri do pet članova, od kojih najmanje jedan član posjeduje zvanje građevinske struke, a jedan je predstavnik branilačkih organizacija.
2. Zadatak Komisije je da razmotri podnesene zahtjeve, izvrši uvid u priloženu dokumentaciju i u stanje objekta/ stana na licu mjesta, sačini zapisnik o utvrđenom stanju te utvrdi dvije liste prvenstva za odobravanje sredstava podnosiocima zahtjeva, za:
 - a) I grupu, koju čine:
 1. dobitnici ratnih priznanja i odlikovanja iz člana 5. stav 3. Zakona;
 2. djeca šehida, poginulih, umrlih, nestalih branilaca bez oba roditelja i ratni vojni invalidi sa oštećenjem

- organizma od 100% I grupe;
3. porodice sa dva i više poginulih, umrlih, nestalih branilaca i ratni vojni invalidi sa oštećenjem organizma od 100% II grupe;
 4. članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stav 3. Zakona;
 5. porodice šehida, poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70%;
 6. članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stavovi 4. i 5. Zakona; umrlih RVI i umrlih demobiliziranih branilaca;
- b) II grupu, koju čine:
1. ostali dobitnici ratnih priznanja i odlikovanja;
 2. ratni vojni invalidi sa oštećenjem organizma od 20% do 60%;
 3. demobilizirani branioci.

Član 12. (Red prvenstva)

Red prvenstva po zahtjevima za rješavanje stambenih potreba po ovoj Uredbi za II grupu prvenstva, utvrđuje se zbrajanjem bodova koji podnosiocu zahtjeva, koji ispunjava propisane uvjete, pripadaju prema slijedećim kriterijima:

- a) stambena situacija (uvjeti stanovanja);
- b) učešće u Oružanim snagama;
- c) ratna priznanja i odlikovanja;
- d) period stupanja u OS BiH;
- e) broj članova porodičnog domaćinstva;
- f) zdravstveno stanje članova porodičnog domaćinstva;
- g) vojni invaliditet.

Član 13. (Stambena situacija)

Po osnovu uvjeta stanovanja, podnosiocu zahtjeva pripadaju slijedeći bodovi:

- a) podstanar15 bodova;
- b) nužni smještaj i privremena rješenja.....12 bodova;
- c) stanuje kod roditelja9 bodova.

Član 14. (Učešće u Oružanim snagama)

1. Za svaki puni mjesec pripadništva Oružanim snagama, podnosiocu zahtjeva pripada po jedan bod.
2. Ratnim vojnim invalidima sa utvrđenim procentom invaliditeta 50% i više, odnosno koji

su demobilizirani zbog nesposobnosti za daljnju vojnu službu zbog oštećenja organizma nastalog pod uvjetima i okolnostima utvrđenim članom 2. stav 1. i članom 3. stav 1. i 2. Zakona o pravima branilaca i članova njihovih porodica, ratni staž po ovom osnovu računa se do 23.12.2005. godine.

Član 15. (Ratna priznanja i odlikovanja)

Dobitnicima ratnih priznanja i odlikovanja pripadaju slijedeći bodovi:

- a) za dobitnika ratnog priznanja ili odlikovanja iz člana 5. stav 4. Zakona 5 bodova;
- b) za dobitnika ratnog priznanja iz člana 5. stav 5. Zakona2 boda.

Član 16. (Datum stupanja u OS)

Prema datuma stupanja u Oružane snage podnosiocu zahtjeva pripadaju bodovi:

- a) veteranima i dobrovoljcima u organiziranju otpora10 bodova;
- b) učesnicima rata3 boda.

Član 17. (Broj članova domaćinstva)

1. Za svakog člana porodičnog domaćinstva, podnosiocu zahtjeva pripadaju po dva boda.
2. Dokaz o činjenici da je neko lice član porodičnog domaćinstva, u skladu sa ovom Uredbom, predstavlja kućna lista, neposredni uvid u činjenično stanje i provjera istog od strane Komisije.

Član 18. (Zdravstveno stanje)

1. Za invaliditet odnosno teže oboljenje člana porodičnog domaćinstva utvrđenu rješenjem nadležnog organa Federalnog zavoda MIO/PIO Mostar, podnosiocu zahtjeva pripadaju po tri boda.
2. Pod težim oboljenjem u smislu stava (1) ovog člana podrazumijevaju se: oboljenje akutne tuberkuloze, maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paralize i druga teška oboljenja.

Član 19. (Stepen invaliditeta)

Podnosiocima zahtjeva – ratnim vojnim invalidima, na osnovu utvrđenog procenta vojnog invaliditeta po posljednjem rješenju – reviziji, pripadaju bodovi kako slijedi:

- a) RVI 60%, VI grupa invaliditeta10 bodova;
- b) RVI 50%, VII grupa invaliditeta 8 bodova;
- c) RVI 40%, VIII grupa invaliditeta6 bodova;
- d) RVI 30%, IX grupa invaliditeta4 boda i
- e) RVI 20%, X grupa invaliditeta2 boda.

Član 20. (Liste prvenstva)

1. Sačinjene liste prvenstva Komisija ističe na oglasnoj ploči (bez naznake iznosa sredstava) u roku od petnaest dana, u kojem nezadovoljni podnosioci zahtjeva imaju pravo podnijeti prigovor općinskoj službi.
2. Općinska služba je dužna razmatrati podnesene prigovore i na iste odgovoriti u narednom roku od osam dana.
3. Na osnovu sprovedenog postupka, općinska služba sačinjava prijedloge dodjele pomoći, podijeljeno po listama na I i II grupu sa po 50% sredstava, utvrđenih u skladu sa planom dodjele sredstava po općinama Kantona prema godišnjem programu utroška sredstava Ministarstva. Ukoliko u određenoj kategoriji ne bude dovoljno kandidata, sredstva se mogu planirati na drugu grupu.

Član 21. (Rad Komisije Ministarstva)

1. Zahtjeve sa listama prvenstva, sačinjenim na propisanim obrascima odvojeno za I i II grupu i prijedlozima za dodjelu sredstava, općinska služba dostavlja Ministarstvu, u roku od koji ne može biti duži od 30 dana od dana oglašavanja listi prvenstva.
2. Dostavljenu dokumentaciju razmatra petočlana komisija koju posebnim rješenjem imenuje Ministar (u daljem tekstu: Komisija Ministarstva).

Zadatak Komisije Ministarstva je da razmotri dostavljene prijedloge općinskih službi, izvrši uvid u priloženu dokumentaciju i po potrebi istu provjeri, konstatuje ispravnost postupka, a u posebnim slučajevima izlaskom na teren utvrdi činjenično stanje, te zahtijeva pribavljanje i dostavljanje na uvid naknadno i druge dokumentacije za koju ocjeni da je od značaja za donošenje odluke o odobravanju sredstava.

Po okončanim aktivnostima iz prethodnog stava, Komisija Ministarstva dostavlja Ministru obrazložen stav o odbijanju ili opravdanosti zahtjeva, sa prijedlogom o dodjeli novčane pomoći, usklađenim sa Programom utroška sredstava.

Član 22. (Odobranje sredstava)

1. Na osnovu prijedloga Komisije Ministarstva, o dodjeli sredstava po Listama prve i druge grupe i podnesenim zahtjevima u pojedinačnim iznosima koji ne prelaze iznos od 5000,00 KM odlučuje Ministar, koji istovremeno utvrđuje dinamiku isplate.
2. Na obrazloženi prijedlog Ministra, zaključak o odobravanju dodjele sredstava u iznosu većem od 5000,00 KM donosi Vlada Kantona.

Član 23. (Ograničenje u dodjeli pomoći)

Novčana pomoć po ovoj Uredbi može biti dodijeljena samo jednom kandidatu iz jednog porodičnog domaćinstva.

Član 24. (Izdavanje rješenja)

1. Na osnovu dostavljene obavijesti Ministarstva, općinska služba donosi rješenje o odobravanju pomoći, odbacivanju ili odbijanju zahtjeva.
2. O žalbi na rješenje općinske službe rješava Ministarstvo.

Član 25. (Posebni slučajevi stambenog zbrinjavanja)

Sredstva za stambeno zbrinjavanje pripadnika branilačke populacije, po posebnim zahtjevima proslijeđenim od općinske službe, koji nisu definirani ovom Uredbom a zahtijevaju hitno rješavanje, na prijedlog Komisije Ministarstva i uz posebno obrazloženje Ministra, zaključkom odobrava Vlada Kantona.

Član 26. (Ugovor)

1. Ministar za boračka pitanja, u ime Vlade Kantona, sa kandidatima kojima je odobrena pomoć zaključuje ugovore o dodjeli i implementaciji sredstava za trajno stambeno zbrinjavanje i načinu isplate istih, kojim se konkretno regulišu prava i obaveze ugovornih strana po ovom pitanju.

2. O terminu potpisivanja ugovora sa Ministarstvom kandidate obavještava općinska služba.

Član 27.

(Posebni slučajevi stambenog zbrinjavanja)

1. Branilac i član njegove porodice, koji ima status raseljenog lica, u svrhu osiguranja uvjeta za održivi povratak u mjesto u kojem je imalo prebivalište ili boravište prije početka agresije na Republiku Bosnu i Hercegovinu, može ostvariti pravo na jednokratnu dodjelu sredstava za održivi povratak, na način i u postupku propisanom ovom Uredbom za ostale braniocce i članove njihovih porodica, izuzev u dijelu koji se odnosi na bodovanje i izradu listi prvenstva.
2. Pravo iz predhodnog stava nema lice koje je na području Kantona riješilo svoje stambeno pitanje.

Član 28.

(Dostava i pravdanje sredstava)

1. O doznačenim sredstvima za isplatu novčane pomoći općinska služba obavještava korisnike i istim vrši isplatu putem blagajne ili tekućih računa.
2. Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

POGLAVLJE III. ZAVRŠNE ODREDBE

Član 29.

(Sredstva za ostvarivanje prava)

Sredstva za realizaciju prava branilaca i članova njihovih porodica po ovoj Uredbi, osiguravaju se u Budžetu Kantona.

Član 30.

(Evidencija i obrasci)

1. Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo.
2. Obrazac za podnošenje zahtjeva iz člana 8. Uredbe i obrasce za elektronsku evidenciju iz stava (1) ovog člana, propisuje Ministar u roku od osam dana od dana stupanja na snagu ove Uredbe.

Član 31.

(Instrukcije i nadzor)

1. U realizaciji ove Uredbe Ministar može donijeti odgovarajuće instrukcije.
2. Nadzor nad provođenjem ove Uredbe ima Ministarstvo.

Član 32.

(Izmjene i dopune Uredbe)

Izmjene i dopune ove Uredbe vrše se u postupku propisanom za njeno donošenje, a inicijativu u tom smislu mogu dati i organizacije pripadnika branilačke populacije iz člana 56. stav 3. Zakona o dopunskim pravima branilaca i članova njihovih porodica.

Član 33.

(Stupanje na snagu Uredbe)

Uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:02-23-26093/07

Datum, 02.11.2007. godine

Zenica

PREMIJER

Miralem Galijašević, s.r.

.....

321.

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 30. stav 3. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj 6/06 i 9/07), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

UREDBU

O PARTICIPACIJI TROŠKOVA SPORTSKIH MANIFESTACIJA I INVALIDSKOG SPORTA BRANILACA I ČLANOVA NJIHOVIH PORODICA

POGLAVLJE I. OPĆE ODREDBE

Član 1.

(Predmet Uredbe)

Ovom Uredbom utvrđuju se uvjeti, način i postupak za ostvarivanje sredstava u svrhu participacije troškova sportskih manifestacija i invalidskog sporta branilaca i članova njihovih porodica koji imaju prebivalište na području Zeničko-dobojskog kantona (u daljem tekstu: